

Aningaasaqarnermut Ataatsimiititaliap suliaq nr. 01.31.06/08-00362 pillugu pingasunngornermi 6. juni 2008-mi aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 5. august 2008 aalajangiinera)

Kontomi pingaarnermi 73.01.08 Ilaasunik angallassinermut tapiissutit, aningaasaliissutinik atugassannngortitsinissaq

Naalakkersuisut **inassutigaaat,**

- 2008-mi, 2009-mi aamma 2010-mi ukiumut 1.500.000 koruunit killiliunneqartut iluanni Kangilinnguit timmisartuussivigineqartarnissaat pillugu isumaqatigiissusiornissamut Attaveqarnermut, Avatangiisinut Aatsitassanullu Naalakkersuisoq piginnaatinneqassasoq.

Aningaasaqarnermut Ataatsimiititaliap oqaaseqaatai

Ataatsimiititaliap ulloq taanna ataatsimiinnissaani nukinginnartutut suliarineqarnissaanik qinnuteqaatitalerlugu isummernissamut tunngavissiaq matumani pineqartoq Aningaasaqarnermut Ataatsimiititaliamut ullaap tungaa nassiunneqarpoq. Suliaq annikinnerusutut taaneqarsinnaammat aammalu pisariunera killeqartutut nalilerneqarsinnaammat suliassanik tunniussisarnermut ataatsimiititaliap nalinginnaasumik killiliussaani taama saneqqutsisinnaaneq Aningaasaqarnermut Ataatsimiititaliamit akuerineqarsinnaavoq. Allamulli atatillugu piffissaliussat taakku eqquutsinneqatarnissaanik paasinnissuseqanngitsutut pissuseqarneq pillugu Naalakkersuisut ataatsimiititaliamit allaffigineqalersaarput.

2008 tamakkerlugu Kangilinnguit timmisartuussivigineqarsimasoq, taamatulli timmisartuussisarnermut isumaqatigiissutitigut aningaasaliissutitigulluunniit tunngavissat suli pigineqanngitsut isummernissamut tunngavissiami allassimavoq, tamannalu aningaasaliissuteqarnissamik qinnuteqaatip matuma akuersissutigineqarneratigut aatsaat qulakkeerneqassaaq. Missingersuutit pillugit inatsimmi aalajangersakkanut sanilliullugu tamanna tunngaviusumik isigalugu ataatsimiititaliamit eqqarsarnartoqartinneqarpoq. Ajornartorsiutit taamaattut siunissami pinaveersimatinneqarnissaat siunertaralugu Naalakkersuisut pimoorussillutik ilungersuuteqarnissaat naatsorsuutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinninneq tunngaviutillugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua